

Isali

I tikkelt nniden, Tamurt taqbaylit yewwi-d fell-as ad tmager lehris d zzmik werġin tessedda. Adabu azzayri ibges-d ad yesseyli Taqbaylit : ama d imdanen-is, ama d ayen akk° yessean assay yer teqbaylit (“opération zéro Kabyle”). Ar imira, d imeyyaten n teqbayliyin d yeqbayliyen i yettwahebsen di lbatel. Kra seg-sen ttwahebsen mebla ma bedden ar cree. Kra nniden, tifat-nnsen d jjiħ d trewla ar tmura medden. Rnu yer waya, taydemt ur telli yara d tamsalt n Wezref. Taydemt n udabu azzayri ur tedd’ara deg webrid n wezref, tuyal d abrid i kra n yemdanen n udabu akken ad ssnegren Iqbayliyen. Ur d-yeg°ri i Weqbayli ayen i yef ara ysenned ney ayen swayes ara yqabel, izerfan atnad ger ifassen n wid yettdëbbiren. Akken s-qqaren : “iwwet-iyi urumi cetkay i gma-s”. Adabu azzayri, am usehhar, la d-yesnulfuy isudaf iwakken ad icemmet kra n wayen illan d aqbayli. Adabu-yagi issekcum deg wallayen ayunzu n Teqbaylit d tid d wid yettnayen fell-as.

Aṭas n yeqbayliyen i rran d “irebraben” xas akken ur gin kra. Ttwattfen, ttwahebsen, llan wid yef hekmen s tmettant. Adabu isselhuyn “taydemt” s zzur, isseyli-d tugdi yef yemdanen. Arebrab d win d-yesseylayan tugdi yef wegdud. Tikerkas-agi n teydemt, illan mgal Izerfan igreylanen urwent-d ayen ur iqebbel wallay. Aṭas n yeqbayliyen i yettwaheqqren, i wumi yettwakkes leqder ; llan wid yettwaṭurturin, llan diyen wid i wimi yettwakkes sser. Tin i tent-yugaren, yer tagara-yagi, adabu azzayri yesnulfa-d asaḍuf (article 87-bis) swayes ara yegdel kra n tmuyli ney n tikti ara s-d-yezzewren yer zzat, ladya timsal yeean Tamurt taqbaylit.

Xas eeddan 40 iseggasen umennuy yef izerfan-nney, Tamurt taqbaylit tufa-d iman-is i tikelt-nniden ger waccaren n iserdasen d icuḍaḍ n ddin akked mihyaf. Adabu azzayri, s srabes-ines d iqeddacen yezzuzer di yal tama, yesseyli-d rrehba yef Tmurt taqbaylit. Kra n wayen ur netteddi yef ufus-is ney ddaw leena-yas yuyal d awezyi ad yettwaxdem, ama d leqdic n tdukkliwin, ama d win n tsertit ney win imusnawen d inazuren. Kra n win i d-ibanen iqeddacen yef tmetti d wegdud aqbayli rran-t yer rrif. Ma ur tehbisen ad gallen deg-s. Ayen uyur i d-yebges tikelt-agi udabu azzayri werġin t-iga. Yekkes i waṭas n yeqbayliyen ula d azref n tuffya d unekcum yer wakal-nnsen.

Iqbayliyen yellan beṛra n Tmurt-nnsen, sbedden-d Agraw swayes ara qablen si tama-nnsen tagnit-agi n rrehba d rebrab i d-yesseyli udabu azzayri yef Tmurt taqbaylit. Di temlilit-nnsen tamezwarut, ass n 8 yennayer 2023 di Montreuil, begsen a d-sbedden agraw iwumi semman “Collectif Action pour la Kabylie” (CAP-K). Tikti-nnsen tamezwarut d asemlili n imeynasen d usnerni n tezmert d iyallen ara d-yilin nnig tektiwin tisertanin n yal yiwen. Deg wegraw-agi, llan wid iqeddacen yakan di tdukkliwin, llan inazuren, llan imeynasen n imussuyen d wid n ikabaren n tsertit. Yessemlal-d kra n tin d win yebyan ad yennay yef Tmurt taqbaylit. Iswi amezwaru n wegraw d asufey n Tmurt Taqbaylit di tegnitt-agi taberkant ideg tella, d ibeddi yer tama n imeynasen d truži n lxuf d tsusmi i d-yesseyli udabu azzayri yef yeqbayliyen.

Ala tadukli n iyallen d umeslay gar-aney swayes i nezmer a nekkas lbatel-agi i d-yeylin yef Tmurt taqbaylit. Akken byunt mgaradent tmuyliwin-nney, akken yebyu yemgarad wakken nra azekka n Tmurt taqbaylit, tewwi-d a nessehbiber akk fell-as di tegnit-agi ; d wagi i d-iswi n wegraw-agi i d-ilulen. Tiririt n leqder d lhiba i Tmurt taqbaylit yessefk a d-kken sennig wayen yellan. Yef aya, tiwwura n wegraw (CAP-K) ldint i yal yiwen, i yal yiwet iran ad yeddu/teddu deg webrid-agi, ladya wid d tid yellan di Lurup akked Marikan.

A nekker yef Tmurt taqbaylit

Agraw ‘Tanekra yef Tmurt taqbaylit’
Collectif Action Pour la Kabylie (CAP-K)

Lpari, ass n 31 di Dujember 2022 (11 janvier 2023)